

Mazarin  
3746

Le Tableav des tyrans favoris



RARE BOOK  
COLLECTION



THE LIBRARY OF THE  
UNIVERSITY OF  
NORTH CAROLINA  
AT  
CHAPEL HILL

Mazarin  
3746

UNIVERSITY OF N.C. AT CHAPEL HILL



00023010475



LE  
TABLEAU  
DES  
TYRANS FAVORIS,  
ET LA DESCRIPTION  
des malversations qu'ils com-  
mettent dans les Estats qu'ils  
gouvernent.

ENVOYE' PAR L'ESPAGNE  
A  
LA FRANCE.



A PARIS,  
Chez FRANÇOIS NOEL, rue Saint Jacques, aux  
Colomnes d'Hercules.

M. DC. XLIX.



TABLEAU

DES TYRANS FAVORIS

ET LA DESCRIPTION  
des malversations qu'ils commettent  
dans les finances

GOVERNEMENT  
ENVOYÉ PAR LE PARLEMENT

A  
LA FRANCE



A PARIS  
Chez l'Auteur, M. de la Harpe, au Salon de la  
Colonne d'Or, vis-à-vis le Palais National

M. D. C. XLII





# LE TABLEAU

## DES TYRANS FAVORIS,

& la description des maluerfations  
qu'ils commettent dans les Eftats  
qu'ils gouuernent.

*Enuoyé par l'Efpagne à la France.*



'Est aujourdhuy, chere France, que le Ciel, touché de mes peines, & de mes ennuis, me force, malgré ma vaine gloire, de m'adresser à vous, comme à la Princesse de toutes les Nations, à la Reyne de toutes les Monarchies, & la premiere Souueraine de la Chrestienté, pour vous représenter dans ce Tableau la vraye figure des Tyrans

Fauoris, qui depuis tant de siècles, ne se sont nourris que de nos diuisions, que de nos guerres, que de nostre sang propre, & que de celui de nos peuples.

Ce sont ces Vautours, ces Harpies insatiables, & ces desolateurs des Princes, & de leurs Empires, qui ont esté les motifs de nos mes-intelligences, & de nos dissensions, qui commencerent presque dès la fondation de nos Monarchies, & qui les ont faites subsister du depuis, & qui les font encore viure à present. Ce sont ces mesmes flatteurs, qui pour s'agrandir & nous destruire, nous soufflent continuellement aux oreilles, que nous ne devons rien contribuer du nostre à l'amitié de nos Subiets, & que nos Estats ne s'élèuent jamais si haut que quant les peuples sont raualez plus bas. Ce n'est pas sans raison qu'un Ancien a dit que bien souuent les Roys & les Princes, sont les derniers aduertis de ce qu'il leur importe le plus qu'à personne, & que d'ordinaire tout le monde ne s'entretient que des desordres qu'ils commettent, & qui ternissent la gloire de leur



nom, sans qu'ils ayent, ny qu'il se rencontre aucun seruiteur aupres d'eux, qui leur represente fidelement la honte où il, s'exposent par la licence de leurs mauuaises actions.

N'est ce pas vne chose estrange, que les deux peuples les plus genereux du monde, & qui tiennent encore auioird'huy sous vostre Maiesté Tres Chrestienne, & sous la mesme Catholique, tout le reste de l'Europe en balance, ayent depuis tant de sie. les demeurerez mortels ennemis? Qui le scauroit iamais croire, si l'Histoire ne l'enseignoit, que tant d'alliances contractées entre l'une & l'autre Couronne, tant & tant d'vnions, & de paix faites ensemble, n'ayant iamais pû faire regner la concorde, & l'amitié entre ces deux Nations, les plus puissantes, les plus redoutées, & les plus belliqueuses de toute la terre?

Les grandes & les glorieuses victoires qui rangerent les Mores à la raison; ces grandes nauigations, qui furent les clefs des Terres-neufues, & ces autres belles actions, tant de paix que de guerre, qui firent l'ouuerture par où la bonne fortune entra dans la maison d'Espagne, ont porté l'humeur de mes peuples à beaucoup d'ambition & d'audace, qui les ont depuis rendus comme insupportables à tout le reste des hommes: ie l'aduouë, mais tout cela n'a point tant causé nos auersions, & nos haines, que les mauuais desseins de la pluspart de nos Fautoris, & de nos Ministres d'Estats, qui n'ont trauallez à nous des-vnir que pour en faire naistre nos guerres, & de nos miseres en establir leurs fortunes.

Les aduantages que nous remportasmes sur vous à Paue, & à Sainct Laurens, & les fameuses victoires qu'en eschange vous acquistes sur nous à Rauennes & à Cerisoles, ne furent que les ouurages de ces Deserteurs de nos Royaumes, qui nous armerent les vns contre les autres, à dessein de s'enrichir de nos despoüilles, & de viure contens parmy leur auarice, tandis que nous vivions affligez parmy nos miseres publiques. Je confesse que parmy ces mauuais Ministres, il y en a eu quelques-vns de bons; & Charles-Quint, qui est le premier Prince qui ierta dans ses Estats, les premiers fondemens de cette grande puissance, à qui depuis la Chrestientén'en a point veu d'égale que la vostre, en choisit vn par les conseils, & la fidelité duquel en partie, il s'est depuis fait vn si grand Monarque. Tous ceux qui ont succédé au Cardinal Grauelles, n'ont pas eu comme luy les desseins de ne s'agrandir que par l'extraordinaire grandeur de leur Maistre. Ximenes fut seul absolu sous Ferdinand, predecesseur de Charles, Ruy Gomes de Silua seruit fort fidelement sous Philippes II. Le Duc Cardinal de Lermes comanda sous Philippes III. Mais le Comte Duc d'Oliuarez, qui est celuy qui a regi & gouuerné le plus absolument qu'au-

cun



euin contre mes Royaumes & mes diuers Estats, a miserablement fait contre l'Espagne, ce que l'ingrat, l'auare, & le scelerat Cardinal Mazarin a fait contre la France.

Ils ont tous deux si mal agy, & pour nostre gloire, & pour le repos de nos Subiets, qu'ayant terny l'éclat del'vne, & par leurs pyrateries & oppressions troublé le bien de l'autre, peu s'en est fallu, & peu s'en faut encore, que nos Peuples secotiant le ioug de leur obeyssance, ne nous eurent par leur souleuement depossédées de nos Sceptres, & de nos Couronnes.

Les Cardinaux de Pellegruë, de la Roche, d'Amboise, d'Ossat, & de Rets parmy les François, Albornos, Caruagal, Grauelles, Ximenes, qu'il a cy-dessus nommez parmy les Espagnols; & les Colomnes, les Vitellefques, & les Caraffes parmy les Italiens, ont esté de grands Hommes, de grands Ministres d'Estat, de grands Fauoris, qui se sont autrefois meslez de la guerre pour le seruice de leurs Maistres: mais ces grands Personnages n'approcherent iamais des belles, des hautes qualitez, ny de la fidelité incorruptible du feu Cardinal Duc de Richelieu pour son Maistre.

Du temps que nos Couronnes se firent ennemies, & qu'elles se declarerent la guerre; depuis mesme la continuation de nos diuisions & de nos desordres, j'ay cent fois fait toutes sortes d'efforts au dedans & au dehors de vostre Royaume, pour corrompre ce Ministre, & l'obliger à vous trahir par des promesses, ou des assurances capables de seduire les ames les plus fideles, sans auoir pu rien gagner sur ce cœur Magnanime, qui n'a iamais creu pouuoir acquerir de l'honneur & de la reputation, que par l'accroissement de vostre bon-heur & de vostre gloire.

Lors que pour m'agrandir, & vous abbaissier, j'entretenois chez vous des pensionnaires parmy les Huguenots, à l'aduantage de mes affaires, & au preiudice des vostres, ne remuay-ie pas le Ciel & la Terre, pour gagner ce Ministre, afin qu'il diuertisse Louis XIII. du dessein que ie luy vis prendre, de faire la guerre à ses rebelles, qui donnoient souuent à son Royaume, de nouuelles matieres de diuisions & de desordres; mais ce fut en vain: car plus ie m'éuertuay de le tenter, pour empescher cette entreprise, & d'auantage s'efforça-t'il d'en procurer l'auancement. Enfin, j'ay toujours remarqué en luy depuis le premier iour de son aduenement à l'administration de vos affaires iusques à sa mort, vne foy sincere, vn iugement sans exemple, & vne fidelité sans égale. Je confesse bien que parmy tant de vertus, il auoit de grands deffauts, & que par la fin malheureuse de la vie du Marquis d'Ancre, il sembla s'éleuer de ses ruines, & bastir sa fortune sur le debris de celle de son predecesseur.



Il fut ambitieux au dernier poinct à n'en point mentir, & pour n'estre que le Cadet d'une maison de Gentilhomme, voyez à quelles hautes dignitez il paruint? Il devint de Cardinal, Duc & Pair de France, Grand Maistre, & Sur-Intendant General de la Navigation, & Commerce de vostre Royaume, Lieutenant general pour le Roy en Bretagne. Il eut le bonheur de soutenir sous le nouveau nom de vanité du premier Ministre d'Estat, sa fortune contre les efforts iustes & legitimes de la deffuncte Reyne, Marie de Medecis sa Maistresse & bien-faïctrice, & des Princes du Sang, & des plus grands de vostre Monarchie. Ainsi pour rendre sa maison qui estoit dans l'indigence la plus illustre de France, en charges & en qualitez, & la plus puissante en biens, & mesme pour paruenir au Gouvernement absolu de vostre Royaume, il le fit entrer dans vne guerre ouuerte avec le nostre, dont vous & moy sentons encore les incommoditez.

Il ne faut pas estre beaucoup sçauant aux affaires d'Estat, pour ne sçauoir pas que sa Politique l'obligea à cette rupture de nostre alliance, afin que par des leuées extraordinaires & excessiues de deniers sur vos Subiets, de toute sorte de condition causées par le pre-texte de la guerre il s'enrichit de ces sommes immenses, desquelles il a consommé, selon le rapport qu'on en a fait, la plus grande partie par vn nombre infiny de comptant. Par le moyen des contributions volontaires de tous les Monopoleurs de vostre Royaume, desquels il a tousiours autorisé les propositions, & protégé le party, il fit vn fond prodigieux de deniers, pour rendre vn fief, portant ce nom renommé de Richelieu, de deux mille liures de rente, le seul gage de sa maison, vn Chasteau le plus superbe bastiment de l'Europe, qui contient en soy vos plus riches dépoüilles, accompagné d'une Ville portant le titre de Duché, Pairie, du reuenu de cent mille liures. Il a outre plus, m'a-t-on dit, laissé à ses heritiers les terres les plus seigneuriales de vostre Estat, & du plus grand reuenu; & donné à ses autres parens le moyen de posseder les plus hautes charges & les plus beaux biens du Royaume. Il a donné mesme à vne veufue sa niepce, de laquelle le nom est si connu dans vostre Histoire, pour auoir esté fait l'obiet de l'amour coniugal de vos Princes du Sang, le pouuoir de s'éleuer iusqu'à la qualité de Duchesse, & de luy faire vn reuenu de quatre cens mille liures par an. Enfin, il est mort le plus riche homme de vostre Royaume, & a laissé sa famille la plus opulente qu'aucune autre qui y reside.

O chere France! vous vous estiez consolée dans vostre mal, par l'attente d'un meilleur gouvernement, & du soulagement de vos peuples, que vous auiez estimé que la mort de ce Cardinal apporteroit: mais le deceds du deffunct Roy, ayant suiuy celuy de son



premier Ministre vous ont fait voir le contraire. Vous auiez esperé du bon naturel de cette grande Princeſſe Anne d'Auſtriche, vn reſta bliſſement de toutes choſes dans ſon premier Eſtat; vous auiez creu qu'elle ſeroit bien aiſé que le Parlement, duquel le Cardinal auoit opprimé la liberté, & aneanty l'autorité par vn ordre nouveau, contraire aux Loix fondamentales de l'Eſtat, & non iamais viſité, reprit ſon ancien credit pendant ſa Regence, & qu'elle ne ſouffriroit iamais les deſordres qu'auoit cauſé vn Fauory ambitieux, & remply de conuoiſiſe. Enfin, vous auiez iugé avecques raiſon que cette Auguſte Reyne n'autoriſeroit pas les actions qu'elle auoit blaſmées pendant le gouuernement du deſſunt Cardinal: mais ſur tout, qu'elle ne conſentiroit iamais qu'un nouveau Miniſtre d'Eſtat, priſt ſous ſa Regence le pouuoir qu'auoit uſurpé l'ancien, avec lequel il auoit ſi hardiment & inſolamment entrepris ſa perſecution. Ce ſont là les raiſons à ce que m'ont fait entendre mes Politiques, qui ont porté cét Auguſte Senat à deſſerer à elle ſeule la Regence abſoluë du Royaume, que le feu Roy luy auoit donnée, limitée, & conditionnée: mais il ſ'eſt bien trouué trompé dans ces eſperances.

Ne ſ'eſt-il pas rencontré que Iules Mazarin, plus fourbe que le deſſunt Cardinal, abuſant de la confiance que la Reyne prend en luy, cét Eſtranger mon Subjet, que la trahiſon a eleué à la dignité de Cardinal, & qui vous a eſté laiſſé par ſon predeceſſeur, pour conſeruer ſa famille en ſes biens, & en ſes honneurs, & acheuer voſtre ruine, a marché ſur ſes pas, & ſuiuy ſes deſſeins? Porté d'une meſme ambition pour luy en ſes parens, & d'une plus ardente conuoiſiſe, il ſ'eſt emparé de la perſonne du Roy ſous vn nouveau tiltre d'Intendant de l'Education Royale. Il ne ſ'eſt pas contenté de diuertir vos deniers publics par l'vſage des comptans, pour les employer à ſon profit, & celui de ſes parens, tant en Italie qu'en voſtre Royaume: mais encore il a fait verifier au Parlement pluſieurs grandes Liſtes d'Edicts, & de Declarations, à la foule & oppreſſion de tous vos Subjets. Il ne ſ'eſt pas ſatisfait de faire enleuer de voſtre Ville de Paris, les Preſidens Gayen & Barillon, qui ſont decedez non pas ſans ſoupçon d'une mort aduancée par poiſon: mais encoir il a fait aller deux fois le Roy mineur au Parlement, qui euſt bien pû ſ'oppoſer à ſes venuës & enleuemens, & empescher l'eſſet de ces Edits ſ'il eut voulu. C'eſt la conſideration de la guerre, qui a empesché, m'a-t'on dit, que ce Senat ne ſe ſoit oppoſé à des entrepriſes ſi preiudiciable à l'honneur du Roy, à la liberté des Cours Souueraines, & au bien de tout voſtre Royaume, dans l'eſperance d'une prochaine paix entre nos Monarchies, qui reſtablirait l'ordre de nos Eſtats, & ſoulagerait la miſere du peuple.



Mais i'ay sceu par mes espions, que lors que le Parlement a veu que vostre mal s'augmentoit, que Mazarin entretenoit la guerre parmy nous par ses intrigues, au lieu d'auancer la Paix : Que les deniers qu'on leuoit sur vos Subjets n'estoient point donnez au fait de la guerre, mais qu'ils estoient employez à la seule vtilité ; Que vostre peuple ne pouuoit plus supporter les grandes charges des Tailles & impositions dont il estoit opprimé : Qu'il vouloit despoüiller tous les Officiers de vostre Royaume, mesmes ceux de vos Cours Souueraines, de leurs biens, en leur ostans leurs gages ; Que les Tailles estoient tombées en party contre l'ordre prescrit par les Ordonnances & les Loix du Royaume ; Que par ce moyen elles se leuoient avec tyrannie, & des frais excessifs ; Qu'il choquoit continuellement l'autorité, la liberté, & le Priuilege du Parlement, par des Arrests du Conseil, & autres nommez du Conseil d'enhaup, dont il se seruoit pour l'oppression du peuple ; Enfin, voyant que vostre Maiesté estoit à la veille d'une ruine totale, & d'un mal sans remede, il est enfin reuenu de son assoupissement, & se ressouuenant du pouuoir que les Loix de vostre Estat luy donnoient, que par la disposition de vos mœurs & coustumes, il est naturel tuteur de vos Roys, principalement pendant le temps de leur minorité : il s'est senty obligé de chercher les moyens conuenables pour remedier aux abus que l'ambition & l'auarice de ce Cardinal auoit formé dans vostre Estat.

Pour cet effet, i'ay appris que ce Parlement s'estoit vny aux autres Cours Souueraines, nonobstant l'exil de quelques Officiers desdites Cours, & qu'ils ont trouuillé ensemble vtilement à la recherche de ces abus, & au moyen de les corriger. Je ne doute point qu'avec le temps il n'arriue quelque ordre dans ce desordre, & qu'au point où l'on m'a assuré que vos affaires sont, dont ie m'afflige plus que ie ne m'en réjouis, à cause de mon changement d'humeur, qui me fait maintenant beaucoup plus aymer vostre bien que vostre perte, vous ne voyez bien tost un changement, qui rendra vostre gloire aussi resplendissante, que Mazarin a eu intention de l'obscurcir.

Mais auant que de vous depeindre dans ce Tableau que ie vous enuoye, la basse naissance de ce nouveau Ministre d'Estat, qui comme un Monstre pensa faire mourir sa mere en le mettant au monde, sa honteuse vie, ses mœurs deprauiées, & toutes les mauuaises actions qu'il a faites auant qu'il se soit manifesté en vostre Royaume, permettez ie vous prie que ie depeigne dans ce mesme ouuillage la perfidie, la trahison, & la haute conspiration qu'a tramée contre mon Estat le Comte Duc d'Oliuarets le Fauory de son Roy, & les delices de l'Espagne.



Dès que ce nouveau Administrateur de tous mes Estats eut gagné par ses charmes la bien-vueillance de son Prince, il eut cette adresse de ne souffrir plus qu'avec beaucoup de peine, que les grands du Royaume eussent d'entretiens particuliers avec son Monarque. Son naturel vain & altier, ne luy faisant regarder les principaux Officiers de ma Couronne qu'avec mépris, leur donnerent en peu de iours tant de diuers sujets de mescontentemens, que la Cour ne fut plus guere fréquentée que de ses Partisans, & gens de sa ligue. Le Roy ne voyant plus si souvent qu'à l'ordinaire ces vives lumieres qui auoient accoustumé d'éclater auprès de sa Maesté, se plaint de leur absence: mais ce Fauory sceut si adroitement diuertir l'esprit de ce Prince de cette pensée, qu'il luy en osta presque du tout la memoire. C'est ce qui fit, que n'ayant plus accoustumé de voir auprès de soy, que le Comte, qu'il fit Duc, & Grand de mon Estat, & dont l'hypocrisie & la dissimulation luy faisoient iouer tel personnage qu'il luy plaisoit. Il le prit en vne si grande affection, & son humeur complaisante luy pleust tant, que tous les obiects qui luy auoient esté autresfois agreables, commencerent à luy estre indifferens.

Ce nouveau Fauory ne manqua pas de se seruir de l'astuce, & du stratageme dont vsent ordinairement ceux qui veulent s'élever dessus les espauls des Roys; l'amitié de son Prince ne luy suffit pas, si avec sa bien-vueillance, il ne tire des marques de ses liberalitez, & de ses largesses. Il receut en peu de temps de si riches dons, que quand on eut cessé de luy en faire plus, il eust tousiours esté riche toute sa vie. Il ne se contente pas d'épuiser les finances du Roy, il veut s'enrichir de celles de tout mon Royaume. Enfin, à l'imitation de vos Richelieu & Mazarin, grande Reyne, il fit tant de levées excessiues sur mes peuples, que ses exactions furent cause que les Portugais, secoüant le ioug de cette tyrannie se redonnerent au sang de leurs anciens Roys, & que la Catalogne oppressée de mesme sorte, se mit aussi entre les mains du vostre, qui ne fut pas vn petit aduantage pour vostre gloire, ny pour vos desseins.

Quoy que ce mal fut assez grand pour estre plaint, & obliger promptement mes Estats restans dans mon obeyssance, à demander punition de l'auteur de tant de desordres: Neantmoins cette extraordinaire affection qu'auoit pour luy son Monarque, fut le suiet qui obligea mes peuples à se voir arracher ses entrailles, & les miennes, sans en oser rien dire. Ce coup de malheur toutes-fois, se fit ressentir avec le temps si preiudiciable, & à la Couronne d'Espagne, & à tous les plus Grands du Royaume, qui s'estoient volontairement bannis de la Cour, qu'on commença de murmurer contre l'auteur de nos disgraces, & à plaindre mon infortune. En vn instant le bon Genie du Royaume, fit naistre dans l'esprit de plusieurs grands Personnages, le genereux dessein de reuoir l'Escu-



rial, & en vrais, & fideles Espagnols, remonstrent au Roy, le malheureux Estat où l'ambition, & l'auarice du Comte Duc m'auoit mis avec mes peuples. Ce Prince ne fut pas sourd à leurs iustes remonstres, & en leur donnant vne fauorable audience, il leur tesmoigna bien assez qu'elles luy estoient agreables. De cette plainte des grands, n'asquit celle des petits, & de ceux-cy à ceux-là : de façon que le Clergé, la Noblesse, & le Tiers-Estat ne s'espargnerent point à représenter au Roy qu'il arriueroit vne subuersion à la Monarchie si le Ministre d'Estat qui en auoit le gouuernement n'estoit osté de cette charge, dont tout le monde le trouuoit indigne.

La Iustice aussi bien qu'en vostre Estat, Auguste Princesse, fit des plaintes si amples & si iustes contre ce Fauory, touchant le retranchement, & de leur autorité, & de leurs gages, dont il s'attribuoit la seule vtilité, que le Roy promist d'y apporter du remede. L'on ne voyoit point apporter de secours à ce mal, quand tout Madrid émeu & armé, comme n'aguere a fait la premiere Cité de vostre Empire, commit au Roy des Deputez pour luy demander raison de l'iniustice qu'on faisoit de ne point remedier à leurs desordres, & de ne donner point à la vengeance publique l'autheur de toutes ses miseres.

A cette fois, ce tumulte confus mit le Roy en vne si grande apprehension, & moy en vne si grande crainte de voir arriuer nostre perte en recherchant nostre salut, que me monstrant au Prince dans vne desolation toute entiere, ma peine fut vne augmentation à la sienne. Comme vn bon Pilote, il fit tout ce que l'art & l'experience luy auoient appris pour garantir ses Estats & les miens, de naufrage, & sans plus temporiser, il n'abandonna pas le Duc, qu'il estoit les delices de son affection, au peuple : mais par vne voie plus douce, il creut qu'il n'y auoit point de plus iuste moyen de le chastier, que de le mettre entre les mains de la Iustice.

Ceux qui ont ordre de la rendre en mes Estats aussi souuerainement que fait le Parlement au vostre, ne voulans pas faire cet affront à leur Prince, que de faire passer par les mains d'un bourreau ce larron audacieux qui s'estoit enrichy de la ruine des peuples, le condamnerent à vne prison perpetuelle. Ainsi cette indulgence louée par le Roy, luy fit agréer l'Arrest que l'on donna contre son Fauory, qu'en son ame il croyoit mieux meriter la mort qu'une captiuité trop douce pour vn crime si enorme, que de voler impunement son Roy, & son peuple. Voilà vn exemple de clemence plus tost que de Iustice : car pour tous les maux que ce Tyran auoit commis contre Dieu, contre son Roy, & contre sa Patrie, qui doute qu'il ne meritoit vn chastiment bien plus seuer? Le Roy eut cette constance & cette vertu particuliere de ne tesmoigner point de ressentiment de la misere de son premier Ministre : & c'est par là aussi, qu'il tesmoigna tout de bon à ses Subiets, que l'amitié qu'il auoit



pour le general de ses peuples surpassoit de beaucoup celle qu'il confessoit auoir eue pour cét homme particulier.

Il ne fut pas guere de temps prisonnier, qu'on ne l'accusast d'auoir conspiré avec le nouveau Roy de Portugal contre ma Couronne, & contre mon Estat. Il est vray, que de bons & vrais Espagnols, descouurirent vne trame secrette que l'on auoit ourdie, pour faire tomber tous mes Estats entre les mains de sa Maiesté Portugaise, par vne reuolte generale de tous mes peuples : mais l'on n'en a pas sceu si bien conuaincre le Comte Duc d'Oliuarets, qu'on aye pû le punir de cette conspiration qui tendoit au parricide : puis qu'on deuoit attenter à la vie du Prince, & de celle de toute sa famille Royale, furent accusez & conuaincus, plusieurs personnes de haute qualité, qui expierent par leur mort l'enorme crime qu'ils auoient voulu commettre.

Quelque particuliere inquisition qu'on peust faire, pour descouurir si d'Oliuarets n'estoit point chef, ou complice de cette pernicieuse conspiration, l'on n'en pust iamais auoir d'esclaircissement ; ainsi peut-il estre coupable, qu'il a passé pour innocent : mais quelque innocent pourtant qu'il puisse estre, si beaucoup de personnes m'ont-elles voulu persuader qu'il estoit criminel. Il n'est que Dieu seul qui puisse scauoir au vray la pensée des hommes ; & cependant, pour moy qui parle à vostre Maiesté, ie croy que s'il n'a esté l'autheur de cét enorme attentat, qu'il en a pû à tout le moins estre l'un des complices. Je le laisse en sa prison pour acheuer de vous faire la troisieme representation du Tableau que ie vous presente, vous scauez bien que c'est de Mazarin de qui ie veux vous entretenir.

Non seulement moy, mais toute l'Europe, auons de la peine à croire que le premier Prince de vostre Sang, veuille fauoriser de sa protection, contre vostre bien, celui du Roy, & de l'Estat, vne personne que tout le monde sçait estre le Perturbateur du repos public, l'Ennemy, le Destructeur, la Peste, & la ruine de toute vostre Monarchie. Chacun demeure d'accord, qu'il faut qu'il se soit seruy de quelque puissante Magie, pour charmer les oreilles, & siller les yeux de ce grand Prince, afin de l'empescher de voir l'excez de ses voleries, & d'entendre les plaintes de la misere publique, qui sont montées au Ciel, & ont attiré la misericorde de Dieu sur eux, & prouoqué sa Justice à en faire la punition sur l'autheur de tant de maux.

Quoy que vous soyez vne Princeesse clairuoyante, & que vous ayez assez d'experience de la conduite & des actions de Iules Mazarin : Je ne veux pourtant pas laisser de vous dire, ce qu'il a esté, & ce qu'il est ; & il vous sera fort aisé d'en tirer la conséquence certaine, & demonstratiue, de ce qu'on doit se promettre d'une personne de sa naissance, & de son temperament. Son origine n'est pas de ces illustres & de ces conquerans, qui ont esté autrefois la terreur de tout le monde, cependant que les Aigles Romains commandoient à tout l'Vniuers. Sa Noblesse n'est pas plus ancienne que les honneurs qu'il a receus en vostre



Royaume, sans les auoir meritez. Quoy qu'il prenne les haches avec le faisseau de verges pour ses armes, il ne faut pas que vous croyez que ce soient celles qui seruoient de marques d'autorité à ces anciens Senateurs de cette florissante Republique de Rome : mais bien les haches dont son ayeul fendoit du bois, & les houssines dont son pere fouettoit les cheuaux. On sçait que son ayeul estoit vn pauvre Chappellier, Sicilien de nation, qui eust la fortune si peu fauorable, qu'il fut contraint de faire banqueroute, & de quitter son pays. Son pere estant ieune, & dans cette indigence, commença à estre palfrenier, & peu apres s'auançant, deuint Pouruoyeur, & Maistre d'Hostel de la maison d'une personne de condition, où faisant valoir avec industrie, les petits profits, qu'on appelle en France les tours du baston ; il eut enfin dequoy payer en partie le Maistre des Postes de Rome à Naples ; sa fortune estant encore si foible, que deux enfans qu'il auoit, il fut contraint d'en faire vn Iacobin, afin de soulager sa famille.

Cependant cét autre fils, qu'on appelloit Iules, qui est le mesme qui a l'administration de vostre Estat, grande Reyne, estant encore ieune, seruoit de laquais, ou d'estafier, dans les plus honteuses, & sales voluptez que le diable ait pû inuenter pour perdre les hommes, par la corruption & concupiscence de la chair. Tout Rome sçait ce qu'il estoit, & le rang qu'il tenoit pour lors dās les maisons des Cardinaux Sachetti & Antonio. Chacun sçait aussi que son esprit formé sous l'Astre de Mercure, & né au larcin, & à la fourberie, ne s'employoit qu'à l'estude de son inclination. Il fit vn voyage à Venise, & à Naples, pour apprendre les piperies qu'on pratique dans les ieux de hazard, dont il deuint maistre si parfait en peu de temps, qu'on luy donna par excellence le nom de pipeur. Vostre Royaume sçait cette verité, Madame, & plusieurs en ont fait l'experience à leur tres-grand preiudice, & de toute leur famille, de ce qu'il sçait faire en cét exercice. Du depuis s'estant installé, par des voyes aussi honteuses que criminelles, en des charges plus eminentes, il luy prist fantaisie de se faire instruire par vne Megere, en l'art de posseder les esprits ; ainsi deuenu grand maistre en Negromancie, il s'aquit vn bonnet dont vous sçauiez qu'il s'est rendu tres-indigne. Apres cela, de quelle sorte ne s'est-il pas conduit aux affaires de vostre Monarchie ? toute la terre habitable est instruite de ses filouteries, de ses peculats, & des trahisons qu'il a voulu exercer, & contre l'Estat, & contre son Prince legitime. Ainsi puis que ces sangsuës ne s'instalēt aupres de nos Roys que pour les tenir dans la diuision, afin d'assouuir leur prodigieuse auidité, & de s'enrichir pareillement de nos dépouilles ; trauaillons à leur perte, & faisons si bien, que les siecles à venir ne s'entretiennent iamais que de nostre generosité, & de leur insigne perfidie.







